



Broj: 01-50-1-15-37/16
Sarajevo, 9.11.2016.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 18-11-2016			
Organizaciona jedinica	Klasifikaciona oznaka	Redni broj	Broj priloga

ZAPISNIK
37. sjednice Predstavničkog doma
Parlamentarne skupštine Bosne i Hercegovine,
održane 9. 11. 2016.

Sjednica je počela u 10,10 sati. Prisustvovalo je 40 poslanika.

Odsustvo su opravdali Saša Magazinović i Momčilo Novaković.

Sjednici su prisustvovali predsjedavajući i članovi Vijeća ministara BiH te predstavnici Ureda za reviziju institucija BiH.

Iz međunarodnih organizacija sjednicu su pratili predstavnici OHR-a i OSCE-a, a iz nevladinih organizacija prisustvovali su predstavnici CCI-ja i Transparency Internationala u BiH, te predstavnik italijanske ambasade u BiH.

Predsjedavajući Doma Mladen Bosić rekao je da će poslanicima, u skladu s članom 171. Poslovnika, na početku sjednice, a prije rasprave o dnevnom redu, biti omogućeno postavljanje poslaničkih pitanja u usmenoj formi.

U skladu s članom 172. Poslovnika, najave za postavljanje poslaničkih pitanja u usmenoj formi dostavili su sljedeći poslanici:

- **Maja Gasal-Vražalica** - predsjedavajućem Vijeća ministara BiH
- **Dužanka Majkić** - ministru pravde BiH
- **Denis Bećirović** - predsjedavajućem Vijeća ministara BiH
- **Monika Tomić** - ministru sigurnosti BiH
- **Nikola Lovrinović** - ministru pravde BiH
- **Mirsad Isaković** - predsjedavajućem Vijeća ministara BiH
- **Mirsad Mešić** - ministru finansija i trezora BiH
- **Aleksandra Pandurević** - ministru civilnih poslova BiH
- **Hanka Vajzović** - ministru komunikacija i prometa BiH
- **Šemsudin Mehmedović** - ministru vanjske trgovine i ekonomskih odnosa BiH
- **Predrag Kožul** - ministru pravde BiH
- **Fehim Škaljić** - predsjedavajućem Vijeća ministara BiH
- **Salko Sokolović** - ministru komunikacija i prometa BiH
- **Amir Fazlić** - ministru finansija i trezora BiH
- **Senad Šepić** - predsjedavajućem Vijeća ministara BiH
- **Damir Bećirović** - predsjedavajućem Vijeća ministara BiH
- **Lazar Prodanović** - ministru sigurnosti BiH
- **Nikola Špirić** - ministru finansija i trezora BiH.

Ove najave su, u skladu s članom 168. Poslovnika, dostavljene predsjedavajućem Vijeća ministara BiH i onom članu Vijeća ministara BiH na kojeg se pitanje odnosi. Predsjedavajući je podsjetio da je osiguran direktan TV prijenos ovog dijela sjednice, u skladu s članom 171. stav (1) Poslovnika.

Nakon ovih napomena, pristupilo se usmenom postavljanju poslaničkih pitanja i davanju odgovora redoslijedom dostavljanja najava.

Maja Gasal - Vražalica

Pitanje upućeno predsjedavajućem Vijeća ministara BiH: „Da li je Vijeće ministara BiH posredstvom Ministarstva vanjske trgovine i ekonomskih odnosa BiH pokrenulo postupak revizije Ugovora o korištenju hidroakumulacije Buško jezero s Republikom Hrvatskom?“

Predsjedavajući Vijeća ministara BiH Denis Zvizdić dao je odgovor. Poslanica Maja Gasal – Vražalica komentirala je dati odgovor i izrazila nezadovoljstvo njime.

Duška Majkić

Pitanje upućeno ministru pravde BiH: „Prema informacijama Ustavnog suda od 2005. godine do danas donesena su 94 rješenja o neizvršenju odluka Ustavnog suda, od kojih nije izvršeno njih 13, kako kaže Ustavni sud. Od 13 neizvršenih odluka pet su u vezi sa zahtjevima za ocjenu ustavnosti, a osam odluka je iz apelacione nadležnosti Ustavnog suda. Molim vas da taksativno navedete kojih je tačno 13 neizvršenih odluka Ustavnog suda BiH, o kojima se radi, od kada datiraju i na koga se odnose.“¹

Ministar pravde BiH Josip Grubeša dao je odgovor, te rekao da će biti dostavljen u pisanoj formi.

Denis Bećirović

Pitanje upućeno predsjedavajućem Vijeća ministara BiH: „Šta je Vijeće ministara BiH u okviru svojih nadležnosti učinilo da omogući nesmetan plasman hemijskih proizvoda koji se proizvode u bh. entitetu Federacija BiH na teritoriji cijele države Bosne i Hercegovine?“²

Predsjedavajući Vijeća ministara BiH Denis Zvizdić dao je odgovor. Poslanik Denis Bećirović komentirao je dati odgovor.

Monika Tomić

Pitanje upućeno ministru sigurnosti BiH: „Koje mjere je Ministarstvo sigurnosti BiH preduzelo ili planira preduzeti kako bi se smanjio porast krađa privatnih automobila i druge imovine građana BiH, s obzirom na to da je njihov broj u stalnom porastu?“

Ministar sigurnosti BiH Dragan Mektić nije prisustvovao sjednici. Poslanica Monika Tomić zatražila je odgovor u pisanoj formi.

Nikola Lovrinović

Pitanje upućeno ministru pravde BiH: „Zašto Tužilaštvo BiH ne odgovara na postavljena pitanja poslanika? Da je tako, navodim primjere postavljenih pitanja koja Vam u prilogu dostavljam:

¹ Izvod iz neautoriziranog transkripta 37. sjednice Predstavničkog doma PSBiH

² Izvod iz neautoriziranog transkripta 37. sjednice Predstavničkog doma PSBiH

- pitanje u vezi sa istragama ubistava povratnika i policajaca u općini Travnik (prošlo je više od deceniju i po od ubistva oca i sina Jezerčić, A.Domić, policajca A.Valjan i P.Bilić i interesira me pravni status tih predmeta, da li su istrage završene) – postavljeno 7. 7. 2015.;
- pitanje o svjedocima koji daju informacije o mjestima gdje se nalaze posmrtni ostaci lica nestalih u posljednjem ratu za koje se ustanovi da su netačne (provodi li se istraga zbog čega i na osnovnu čega je određeni svjedok dao informaciju) – postavljeno 7. 9. 2015.;
- ponovljeno pitanje o toku istrage i statusu predmeta ubistava povratnika Hrvata u Travniku 1998. godine – postavljeno 2. 12. 2015.;
- urgencija na pitanje o kredibilnosti svjedoka i njihovih iskaza i pitanje o istrazi o nestalim hrvatskim zarobljenicima u logoru Stadion u Bugojnu – postavljeno 18. 12. 2015.;
- pitanje o toku istrage o zločinima u općini Travnik (ubijanje petorice Hrvata iz sela Miletići 24. 4. 1993. i ubijanje 32 zarobljena pripadnika HVO-a i civila u selu Bikoši u junu 1993.) – postavljeno 28. 12. 2015.;
- pitanje o ubistvu Ive Ivoša (da li je ovaj slučaj ikada procesuiran, u kojem tužilaštvu, da li je vođen postupak za utvrđivanje odgovornih) – postavljeno 13. 1. 2016.

Tražim da se na postavljena pitanja daju odgovori, bez ikakvih namjere da insistiram na odgovoru koji bi eventualno remetio ili ugrožavao sudske postupke.

Ministar pravde BiH Josip Grubeša dao je odgovor, te rekao da će biti dostavljen u pisanoj formi. Poslanik Nikola Lovrinović komentirao je dati odgovor.

Mirsad Isaković

Pitanje upućeno predsjedavajućem Vijeća ministara BiH: „Kada možemo očekivati donošenje prijedloga zakona o vanjskim poslovima BiH?“

Predsjedavajući Vijeća ministara BiH Denis Zvizdić dao je odgovor. Poslanik Mirsad Isaković izrazio je zadovoljstvo datim odgovorom koji je zatražio u pisanoj formi.

Mirsad Mešić

Pitanje upućeno ministru finansija i trezora BiH: „Šta je UIOBiH preduzela s ciljem skraćivanja rokova za izdavanje PDV broja stranim investitorima koji namjeravaju ulagati u BiH, a prilikom formiranja privrednog društva?“

Ministar finansija i trezora BiH Vjekoslav Bevanda dao je odgovor. Poslanik Mirsad Mešić izrazio je zadovoljstvo odgovorom.

Aleksandra Pandurević

Pitanje upućeno ministru civilnih poslova BiH: „Proteklih dana smo u medijima mogli pročitati da je Komisija za razmatranje žalbi poništila tender za izgradnju zgrade Agencije za identifikacione dokumente vrijedan 15,2 miliona KM, kao i tender za nabavku pasoša vrijedan više od 20 miliona KM! Ove informacije su alarmantne posebno kada se imaju u vidu zloupotrebe koje su se u ranijem periodu dešavale u Agenciji, a koje su predmet istrage Tužilaštva BiH, te Vas molim da ovaj parlament upoznate s detaljima o provođenju ova dva tendera.“

Ministar civilnih poslova BiH Adil Osmanović dao je odgovor, te rekao da će ga dostaviti u pisanoj formi. Poslanica Aleksandra Pandurević kratko je komentirala odgovor.

Hanka Vajzović

Pitanje upućeno ministru komunikacija i prometa BiH: „Zašto do sada nije realiziran projekat „Zamjena i obnova oznaka i druge saobraćajne signalizacije kojima se označavaju granični prijelazi i njihovo područje, blizina granične linije, kao i način postavljanja tih oznaka i signalizacije”, odnosno zašto uprkos svim ostvarenim preduslovima, još uvijek za taj posao nije raspisan ni tender, iako se zna:

- a) da je prije četiri godine (2012.) donesen Pravilnik o obliku i sadržaju oznaka, kao i druge saobraćajne signalizacije, kojima se označava granični prijelaz i njegovo područje, blizina granične linije, kao i način postavljanja tih oznaka i signalizacije (“Službeni glasnik BiH”, broj 103/12)
- b) da je, na osnovu Pravilnika, prije dvije godine (2014.) izrađena (i plaćena!) projektna dokumentacija pod nazivom “Zamjena i obnova oznaka i druge saobraćajne signalizacije kojima se označava granični prijelaz i njegovo područje, blizina granične linije, kao i način postavljanja tih oznaka i signalizacije”, pa
- c) da su za realizaciju ovog projekta prije više od jedne godine osigurana i finansijska sredstva u visini od oko 800.000 KM, te
- d) da je nakon toga (a i to prije gotovo jednu godinu) čak i pripremljena sva tenderska dokumentacija.

Dakle, sve je završeno do faze raspisivanja tendera i tu se stalo. Šta se čeka, iz kojih razloga i s kojim ciljem?

Ministar komunikacija i prometa BiH Ismir Jusko dao je odgovor. Poslanica Hanka Vajzović komentirala je odgovor koji je zatražila u pisanoj formi.

Šemsudin Mehmedović

Pitanje upućeno ministru vanjske trgovine i ekonomskih odnosa BiH: „Šta je Ministarstvo vanjske trgovine i ekonomskih odnosa BiH konkretno napravilo u pogledu pripreme projekata iz oblasti energetike i njihovog kandidiranja prema fondovima EU, te o kojim se konkretno fondovima radi, bez obzira na fazu pripreme?“

Ministar vanjske trgovine i ekonomskih odnosa BiH Mirko Šarović dao je odgovor. Poslanik Šemsudin Mehmedović izrazio je zadovoljstvo odgovorom koji je zatražio u pisanoj formi.

Predrag Kožul

Pitanje upućeno ministru pravde BiH: „Pitanje koje ću postaviti odnosi se na Tužilaštvo BiH, te vas molim da ga proslijedite kako bi, eventualno, dobio pisani odgovor.

U prilogu vam dostavljam spisak logora i zatvora u kojima su hrvatski branioци, pripadnici Hrvatskog vijeć odbrane i civili bili žrtve surovih i nečovječnih postupaka. Spisak je napravilo Hrvatsko udruženje logoraša u BiH. To je udruženje koje okuplja više hiljada branilaca i civila, zarobljenika u ovim logorima. Na spisku se nalazi preko 400 različitih lokacija u kojima je bilo zarobljeno od dvije do tri hiljade ljudi.

Pitanje za Tužilaštvo BiH glasi:

- imate li saznanje o lokacijama s ovog spiska?

- imate li saznanje o eventualnim zločinima i krivičnim djelima počinjenim na navedenim lokacijama i koliko se istraga vodi?
- postoje li i koliko je podignutih optužnica vezano za ove lokacije?
- postoje li i koliko je presuda vezano za ove lokacije?“

Ministar pravde BiH Josip Grubeša pročitao je odgovor od Tužilaštva BiH. Poslanik Predrag Kožul kratko je komentirao odgovor.

Fehim Škaljić

Pitanje upućeno predsjedavajućem Vijeća ministara BiH: „IPA fondovi u BiH:

- a) Koliko je sredstava odobreno do sada i šta je od toga realizirano?
- b) Pojedinačno projekti finansirani iz IPA fondova u BiH za 2015./2016. godinu?
- c) Kako se biraju projekti i koji su instrumenti kontrole utroška sredstava?
- d) Nadzor utroška sredstava?

Predsjedavajući Vijeća ministara BiH Denis Zvizdić dao je odgovor. Poslanik Fehim Škaljić komentirao je odgovor.

Salko Sokolović

Pitanje upućeno ministru komunikacija i prometa BiH: (U vezi s Odlukom BHDCA-a o visini naknade koju plaćaju operateri po prevezenom putniku u odlasku i naknade koju plaćaju po toni prevezene robe):

1. „Da li je u 2016. godini došlo do provođenja predmetne odluke?
2. Ako jeste, koliki je ostvareni prihod u periodu januar – septembar 2016. godine?
3. Ako nije, smatra li se odgovornim za kršenje Zakona o zrakoplovstvu BiH i nastaloj finansijskoj šteti po Bosnu i Hercegovinu zbog neplaćanja predmetnih naknada?“

Ministar komunikacija i prometa BiH Ismir Jusko dao je odgovor. Poslanik Salko Sokolović komentirao je odgovor.

Amir Fazlić

Pitanje upućeno ministru finansija i trezora BiH: „Koliko je sredstava za realizaciju višegodišnjih kapitalnih projekata u 2015. realizirano, koliko je preneseno u 2016. godinu, te zašto je ovolika sporost u realizaciji ovih kapitalnih projekata u nekim institucijama?“

Ministar finansija i trezora BiH Vjekoslav Bevanda dao je odgovor. Poslanik Amir Fazlić izrazio je zadovoljstvo odgovorom koji je zatražio u pisanoj formi.

Senad Šepić

Pitanje upućeno predsjedavajućem Vijeća ministara BiH: „Šta je Vijeće ministara BiH dosad konkretno uradilo da realizira inicijative koje sam ranije uputio, a vezano za status graničnih prijelaza u Unsko–sanskom kantonu, izgradnji novih traka i smanjenju gužvi na GP Maljevac, preategorizaciji i otvaranju malograničnih prijelaza Tržačka Raštela, Hadžin potok i Plazikur, sprečavanju izgradnje odlagališta radioaktivnog otpada u Trgovskoj Gori, te stavljanju u funkciju Unske pruge i šta je od ovih tema konkretno tretirano i šta su zaključci sa sastanaka s novim premijerom R Hrvatske prilikom njegove posjete BiH i susreta s predsjedavajućim Vijeća ministara BiH i drugim zvaničnicima naše zemlje?“

Predsjedavajući Vijeća ministara BiH Denis Zvizdić dao je odgovor. Poslanik Senad Šepić komentirao je odgovor.

Damir Bećirović

Pitanje upućeno predsjedavajućem Vijeća ministara BiH: „Da li je na netom završenom Samitu 16+1 u Rigi potpisan finansijski dio ugovora za izgradnju Bloka 7 Termoelektrane u Tuzli? Ako je taj ugovor potpisan, navedite mi ko daje garancije za njega te da ste tim potpisom prihvatili da Bosna i Hercegovina vraća kredit ukoliko zbog niske cijene električne energije projekat bude nerentabilan ili ste prihvatili nezakonite odrednice po kojima je bivša Vlada FBiH vodila aktivnosti na pripremi za izgradnju Bloka 7?“

Predsjedavajući Vijeća ministara BiH Denis Zvizdić dao je odgovor. Poslanik Damir Bećirović komentirao je odgovor.

Lazar Prodanović

Pitanje upućeno ministru sigurnosti BiH: „Zbog čega su već duže vrijeme prisutni zastoji pri prelasku putnika na graničnom prijelazu Šepak?“

Ministar sigurnosti BiH Dragan Mektić nije prisustvovao sjednici. Poslanik Lazar Prodanović zatražio je odgovor u pisanoj formi.

Nikola Špirić

Pitanje upućeno ministru finansija i trezora BiH: „U kojoj fazi je izrada inoviranog prijedloga Zakona o izmjenama i dopunama Zakona o plaćama i naknadama u institucijama BiH za koji je Ministarstvo finansija i trezora BiH bilo zaduženo da doradi u skladu s primjedbama nadležnih parlamentarnih komisija? Zbog čega do danas nismo dobili inovirano rješenje koje će zaustaviti trend predlaganja parcijalnih rješenja koja dovode do problema u primjeni zakona?“

Ministar finansija i trezora BiH Vjekoslav Bevanda dao je odgovor. Poslanik Nikola Špirić komentirao je odgovor.

U vezi sa izmjenama i dopunama dnevnog reda sjednice, predsjedavajući je napomenuo sljedeće:

Na dnevni red dodata je:

Tačka 3. Zahtjev Vijeća ministara BiH za razmatranje Prijedloga zakona o izmjeni Zakona o lijekovima i medicinskim sredstvima, po hitnom postupku, u skladu s članom 133. Poslovnika, zakon broj: 01,02-02-1-2804/16, od 1.11.2016.

S dnevnog reda skinute su:

Tačka 7. - Prijedlog zakona o izmjenama i dopunama Zakona o plaćama i naknadama u institucijama Bosne i Hercegovine, predlagač: Vijeće ministara BiH, zakon broj: 01,02-02-1-93/16, od 17.2.2016. (prvo čitanje), skinuta s dnevnog reda sjednice u skladu sa zaključkom Ustavnopravne komisije.

Tačka 9. - Prijedlog zakona o izmjeni Zakona o plaćama i naknadama u institucijama Bosne i Hercegovine, predlagač: poslanik Šemsudin Mehmedović, zakon broj: 01-02-1-2610/16, od 10.10.2016. (prvo čitanje), skinuta s dnevnog reda sjednice u skladu sa zahtjevom Ustavnopravne komisije i

Tačka 19. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Hrvatske o saradnji u oblasti zaštite okoliša i održivog razvoja, materijal Predsjedništva BiH, broj:01,02-05-2-2638/16, od 13.10.2016., skinuta s dnevnog reda sjednice u skladu s obavještenjem Komisije za vanjske poslove.

Nakon ovih napomena, predsjedavajući je otvorio raspravu o dnevnom redu sjednice.

U raspravi su učestvovali: Lazar Prodanović, Aleksandra Pandurević, Damir Arnaut, Zaim Backović, Mirsad Đonlagić i Dušanka Majkić

Lazar Prodanović predložio je da se tačka 3. Zahtjev Vijeća ministara BiH za razmatranje Prijedloga zakona o izmjeni Zakona o lijekovima i medicinskim sredstvima, po hitnom postupku, u skladu s članom 133. Poslovnika, zakon broj: 01,02-02-1-2804/16, od 1.11.2016., skine s dnevnog reda sjednice. Predsjedavajući je rekao da je tačka 3. obavezna tačka i da se kao takva ne može skidati s dnevnog reda.

Dušanka Majkić predložila je da se 11. tačka dnevnog reda preimenuje, te da glasi: Izvještaj o izvršenoj reviziji učinka o temi: „Praćenje realizacije preporuka revizije učinka“. Predsjedavajući je rekao da je primjedba opravdana, te da će tačka 11. biti preimenovana.

Nakon rasprave, predsjedavajući je konstatirao da 37. sjednica Predstavničkog doma ima sljedeći

DNEVNI RED

1. Usvajanje Zapisnika 36. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Zahtjev Vijeća ministara BiH za razmatranje Prijedloga zakona o izmjeni Zakona o lijekovima i medicinskim sredstvima, po hitnom postupku, u skladu s članom 133. Poslovnika, zakon broj: 01,02-02-1-2804/16 od 1.11.2016.;
4. Prijedlog zakona o izmjeni Zakona o plaćama i naknadama u institucijama Bosne i Hercegovine, predlagač: poslanik Damir Arnaut, zakon broj: 01-02-1-1950/16, od 18.7.2016. (drugo čitanje);
5. Prijedlog zakona o izmjeni i dopunama Zakona o Pravobranilaštvu Bosne i Hercegovine, predlagač: Vijeće ministara BiH, zakon broj: 01,02-02-1-2091/16, od 2.8.2016. (drugo čitanje);
6. Prijedlog zakona o izmjenama i dopunama Zakona o udruženjima i fondacijama Bosne i Hercegovine, predlagač: Vijeće ministara BiH, zakon broj: 01,02-02-1-2194/16, od 5.8.2016. (drugo čitanje);
7. Prijedlog zakona o izmjenama i dopunama Zakona o upravi Bosne i Hercegovine, predlagač: Vijeće ministara BiH, zakon broj: 01,02-02-1-2275/16, od 26.8.2016. (drugo čitanje);
8. Prijedlog zakona o izmjenama i dopunama Zakona o međunarodnom i međuentitetskom drumskom prijevozu, predlagač: Vijeće ministara BiH, broj: 01,02-02-1-2509/16, od 28.9.2016. (prvo čitanje);
9. Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, predlagač: Vijeće

- ministara BiH, zakon broj: 01,02-02-1-2617/16, od 11. 10. 2016. (prvo čitanje), skraćeni postupak;
10. Godišnji izvještaj Visokog sudskog i tužilačkog vijeća Bosne i Hercegovine za 2015., podnosilac: Visoko sudsko i tužilačko vijeće BiH, broj: 01,02-08-2601/16, od 7.10.2016.;
 11. Izvještaj o izvršenoj reviziji učinka na temu: „Praćenje realizacije preporuka revizije učinka“, podnosilac: Ured za reviziju institucija BiH, materijal broj: 01,01/4-16-1-2008/16, od 25.7.2016.;
 12. Informacija o direktnim stranim investicijama u Bosni i Hercegovini u 2015. i Izvještaj o aktivnostima Agencije za unapređenje stranih investicija na promociji direktnih stranih investicija u Bosni i Hercegovini u 2015., materijal Vijeća ministara BiH, broj: 01-50-1-15-24/16, od 16.9.2016. (*realizacija poslaničke inicijative usvojene na 24. sjednici Predstavničkog doma Parlamentarne skupštine BiH, održanoj 3.2.2016.*);
 13. Materijal Direkcije za evropske integracije BiH:
 - a) Informacija o napretku u procesu ispunjavanja uslova Bosne i Hercegovine na evropskom putu,
 - b) Izvještaj o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015., DIO A. – Obaveze institucija Bosne i Hercegovine,
 - c) Izvještaj o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015., DIO B. – Obaveze institucija entiteta, Brčko Distrikta BiH i kantona,
 - d) Izvještaj o napretku u provođenju Akcionog plana za realizaciju Reformske agende za nivo Vijeća ministara BiH, broj: 01-50-1-853-1/15, od 21.9.2016. (*realizacija poslaničkih inicijativa usvojenih na 16. sjednici Predstavničkog doma Parlamentarne skupštine BiH, održanoj 27.8.2015., i na 19. sjednici Predstavničkog doma Parlamentarne skupštine BiH, održanoj 28. 10. 2015.*);
 14. Informacija o stanju javne zaduženosti Bosne i Hercegovine na dan 30.6.2016., materijal Vijeća ministara BiH, broj: 01,02-16-1-2639/16, od 14.10.2016.;
 15. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o dopunama Zakona o parničnom postupku pred Sudom BiH (predlagač: Vijeće ministara BiH, zakon broj: 01,02-02-1-609/16, od 18.3.2016.);
 16. Davanje saglasnosti za ratifikaciju Sporazuma o finansiranju Programa razvoja konkurentnosti u ruralnim područjima (RCDP) između Bosne i Hercegovine i Međunarodnog fonda za poljoprivredni razvoj, broj: 01,02-05-2-2243/16, od 18.8.2016.;
 17. Davanje saglasnosti za ratifikaciju Prvog amandmana na Sporazum o finansiranju (Projekat registracije nekretnina) između Bosne i Hercegovine i Međunarodne asocijacije za razvoj, broj: 01,02-05-2-2462/16, od 21.9.2016.;
 18. Davanje saglasnosti za ratifikaciju Sporazuma o finansiranju državnog programa aktivnosti za Bosnu i Hercegovinu za 2015. godinu između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara BiH, broj:01,02-05-2-2640/16, od 14.10.2016.;
 19. Davanje saglasnosti za ratifikaciju Prvog amandmana na Sporazum o finansiranju (Projekat hitnog oporavka od poplava) između Bosne i Hercegovine i Međunarodne asocijacije za razvoj, broj:01,02-05-2-2641/16, od 14.10.2016.;
 20. Davanje saglasnosti za ratifikaciju Sporazuma između Republike Srbije i Bosne i Hercegovine za IPA II Program prekogranične saradnje Srbija – Bosna i Hercegovina 2014. – 2020., broj:01,02-05-2-2642/16, od 14.10.2016.;
 21. Davanje saglasnosti za ratifikaciju Sporazuma o finansiranju programa aktivnosti prekogranične saradnje Bosna i Hercegovina – Srbija za 2015. godinu, između Bosne i

Hercegovine, Evropske komisije i Vlade Republike Srbije, broj: 01,02-05-2-2643/16, od 14.10.2016.;

22. Davanje saglasnosti za ratifikaciju Sporazuma o zajmu za projekat „Razvoj infrastrukture u Goraždu“ između Saudijskog fonda za razvoj i Bosne i Hercegovine, broj: 01,02-05-2-2658/16, od 17.10.2016.;
23. Davanje saglasnosti za ratifikaciju Sporazuma između Vijeća ministara BiH i Vlade Kraljevine Maroko o uzajamnom ukidanju viza za nosioce diplomatskih, službenih i posebnih pasoša, broj: 01,02-05-2-2683/16., od 19.10.2016.;
24. Davanje saglasnosti za ratifikaciju Sporazuma o trgovinskoj i ekonomskoj saradnji između Vijeća ministara Bosne i Hercegovine i Vlade Kraljevine Maroko, broj: 01,02-05-2-2732/16, od 26.10.2016.

Ad.1. Usvajanje Zapisnika 36. sjednice Predstavničkog doma Parlamentarne skupštine BiH

Nakon uvodnih napomena predsjedavajućeg, diskutirali su Nikola Lovrinović i Zaim Backović. Nikola Lovrinović dao je primjedbu na Zapisnik.

Zapisnik 36. sjednice, sa ispravkama Nikole Lovrinovića, usvojen je s 37 glasova „za“ (iz Federacije BiH 24, iz Republike Srpske 13), jednim glasom „protiv“ i jednim glasom „suzdržan“.

Ad.2. Komentari na dobivene odgovore na poslanička pitanja

Predsjedavajući je podsjetio da su, u skladu s članom 170. Poslovnika, do ove sjednice Doma pitanja u pisanoj formi postavili poslanici:

- **Damir Arnaut** – postavio pitanje Ministarstvu pravde BiH i Ministarstvu vanjskih poslova BiH
- **Saša Magazinović** – postavio pitanja Ministarstvu civilnih poslova BiH, Agenciji za rad i zapošljavanje BiH i Vijeću ministara BiH
- **Maja Gasal-Vražalica** – uputila urgenciju Federalnom ministarstvu zdravstva, na pitanje postavljeno u pripremi 35. sjednice Doma
- **Dužanka Majkić** – postavila pitanje ministru finansija i trezora BiH
- **Aleksandra Pandurević** – postavila pitanje rukovodstvu BHRT-a
- **Nikola Lovrinović** – postavio pitanje Vijeću ministara BiH
- **Denis Bećirović** – uputio inicijativu Kolegiju Predstavničkog doma

Sadržaj postavljenih pitanja i inicijativa je sljedeći:

Damir Arnaut

Pitanje postavljeno Ministarstvu vanjskih poslova BiH:

1. „Na koje konkretno personalne prepreke između bivšeg ministra i prošlog saziva Predsjedništva BiH ste mislili u svom odgovoru (na pitanje u vezi s Pravilnikom za ocjenjivanje rada ambasadora i drugih međunarodnih predstavnika BiH), da li iste ili

slične prepreke postoje između aktuelnog ministra i ovog saziva Predsjedništva BiH, te ako ne postoje, koji su konkretni razlozi zbog kojih navedeni pravilnici još uvijek nisu usvojeni?“

Saša Magazinović

Pitanje postavljeno Ministarstvu civilnih poslova BiH

1. „Zašto Agencija za predškolsko, osnovno i srednje obrazovanje do danas nije potpisala sporazum koji je dobila od OECD-a, koji bi trebalo da omogući Bosni i Hercegovini pristup međunarodnoj studiji PISA 2018? Budući da postoje rokovi, kakva i kolika šteta po državu BiH može nastupiti nepotpisivanjem ugovora?“

Pitanje postavljeno Agenciji za rad i zapošljavanje:

1. „Koliki je ukupan broj osoba brisanih iz evidencija zavoda i službi zapošljavanja u BiH iz razloga zapošljavanja u inozemstvu? Koliki je broj osoba i razloga brisanja s evidencije zavoda i službi zapošljavanja u BiH kada razlog nije odlazak u inozemstvo? Pitanje se odnosi na period 2015. - 2016.“

Pitanje postavljeno Vijeću ministara BiH:

1. Kada i gdje je dozvoljeno isticanje zastava, grbova i simbola drugih država na teritoriji Bosne i Hercegovine? Kojim pravnim aktima se to regulira i koje su institucije nadležne?“

Dušanka Majkić

Pitanje postavljeno Ministarstvu finansija i trezora BiH:

1. „Vijeće ministara BiH donijelo je tri važna pravilnika, i to:
 - a) Pravilnik o korištenju telefona („Sl. glasnik BiH“, br. 26/14, 81/14, 78/15),
 - b) Pravilnik o korištenju sredstava reprezentacije („Sl. glasnik BiH“, br. 26/14, 78/15),
 - c) Pravilnik o uslovima nabavke i načinu korištenja službenih vozila u institucijama BiH („Sl. glasnik BiH“, br. 26/14, 81/14, 78/15).Sve institucije BiH bile su u obavezi da svoje interne akte usklade s odredbama navedenih pravilnika.
Tražim da mi se taksativno navede koje institucije BiH do sada nisu uskladile svoje interne akte s navedenim pravilnicima.“

Aleksandra Pandurević

Pitanja postavljena rukovodstvu BHRT-a:

„Prema Zakonu o slobodi pristupu informacijama, zahtijevam od posloводства BHT1 da mi se dostave sljedeće informacije:

1. Koliko je sjednica Odbora Sistema održano od 2012. do 2016., jer smo 2012. godine izabrali Upravni odbor BHT1, a predsjedavajući Upravnog odbora BHTV1 je istovremeno i predsjedavajući Odbora Sistema?
2. Ko su bili predsjedavajući Odbora Sistema u svakoj kalendarskoj godini?
3. Koliko su novaca poreskih obaveznika naplatili pojedinačno svaki od članova Upravnog odbora BHT1 za rad u Upravnom odboru i za rad u Odboru Sistema? Molim da mi se dostave naknade po godinama i ukupno.“

Nikola Lovrinović

Pitanje postavljeno Vijeću ministara BiH:

1. „Dokle se stiglo s aktivnostima na usvajanju i usklađivanju Strategije s propisima i pravnom tečevinom Evropske unije u oblasti zaštite okoliša i kakav je status inicijativa koje su pokretale organizacije civilnog društva?“

Tokom sjednice poslanik **Denis Bećirović** uputio je inicijativu Kolegiju Predstavničkog doma.

Sadržaj inicijative je sljedeći:

Inicijativa upućena Kolegiju Predstavničkog doma:

„Zadužuje se Vijeće ministara BiH da, najkasnije u roku od šest mjeseci od dana usvajanja ove inicijative u Predstavničkom domu PSBiH, pripremi i u parlamentarnu proceduru dostavi Izmjene i dopune Izbornog zakona BiH kojim se propisuje da izabrani član Predsjedništva BiH ne smije biti član političke stranke, odnosno da po stupanju na dužnost podnosi ostavku na stranačke dužnosti te da o tome obavještava Parlamentarnu skupštinu BiH.“

Predsjedavajući je rekao da su do današnje sjednice dostavljeni sljedeći odgovori na poslanička pitanja:

- Na pitanja **Aleksandre Pandurević**, postavljena u pisanoj formi, odgovore dostavilo Vijeće ministara BiH.
- Na pitanje **Maje Gasal-Vražalice**, postavljeno u pisanoj formi u pripremi 36. sjednice, odgovor dostavilo Ministarstvo vanjskih poslova BiH i obavještenje po poslaničkoj inicijativi dostavilo Vijeće ministara BiH. Po urgenciji za dostavljanje odgovora na pitanje postavljeno na 35. sjednici, odgovor dostavilo Federalno ministarstvo zdravstva.
- Na pitanja **Nikole Lovrinovića**, postavljena u pisanoj formi na 36. sjednici, odgovor dostavila Institucija ombudsmena za zaštitu potrošača u BiH i Vijeće ministara BiH, na pitanje postavljeno u pisanoj formi na 27. sjednici, odgovor dostavilo Vijeće ministara BiH.
- Na pitanje **Mirsada Donlagića**, postavljeno u pisanoj formi na 31. sjednici, odgovor dostavila Vlada Federacije BiH.
- Na pitanja **Damira Arnauta**, postavljena u pisanoj formi na 36. sjednici, odgovore dostavilo Vijeće ministara BiH.
- Na pitanje **Šefika Džaferovića**, postavljeno u pisanoj formi na 35. sjednici, odgovor dostavilo Vijeće ministara BiH.
- Na pitanje **Senada Šepića**, postavljeno u pisanoj formi na 35. sjednici, odgovor dostavilo Vijeće ministara BiH.
- Na pitanje **Dušanke Majkić**, postavljeno u usmenoj formi na 36. sjednici, odgovor dostavilo Ministarstvo odbrane BiH.

Dostavljene odgovore komentirali su poslanici: Maja Gasal-Vražalica, Jasmin Emrić, Nikola Lovrinović, Damir Arnaut, Mirsad Donlagić i Hanka Vajzović.

Maja Gasal – Vražalica je, komentirajući odgovor Ministarstva vanjskih poslova BiH, izrazila nezadovoljstvo dobivenim odgovorom, kao i odgovorom Vijeća ministara BiH na poslaničku inicijativu, vezanu za Izvještaj o ravnopravnosti spolova u BiH. Također, nezadovoljna odgovorom od Federalnog ministarstva zdravstva, najavila je postavljanje dopunskog poslaničkog pitanja.

Jasmin Emrić izrazio je nezadovoljstvo odgovorom Vijeća ministara BiH i Uprave za indirektno oporezivanje BiH na postavljeno pitanje u vezi s aktivnostima koje su vođene u ovoj godini, šta je urađeno, te u kojoj je fazi postupak otvaranja graničnog prijelaza Tržačka Raštela – Kordunski Ljeskovac. Također, najavio je postavljanje dopunskog pitanja.

Nikola Lovrinović izrazio je zadovoljstvo odgovorom Institucije ombudsmena za zaštitu potrošača u Bosni i Hercegovini na pitanje u vezi s naplatom RTV takse, kao i odgovorom Vijeća ministara BiH na pitanje u vezi s reguliranjem pitanja prijevoza zaposlenih u institucijama BiH. Komentirao je i odgovor dobiven Ministarstva za ljudska prava i izbjeglice BiH u vezi sa stambenim problemom gđe Nevenke Filipović.

Damir Arnaut komentirao je odgovor Ureda agenta za zastupanje Bosne i Hercegovine pred Evropskim sudom za ljudska prava. Izrazio je nezadovoljstvo dostavljenim odgovorom, jer Ured nije ispoštovao član 171. stav (4) Poslovnika Predstavničkog doma PSBiH, kojim se odgovor na poslaničko pitanje dostavlja svim poslanicima, što Ured nije uradio, nego se poziva na to da su odgovori poslaniku Damiru Arnautu dostavljeni već prije, 2009. godine. Damir Arnaut zatražio je da rukovodstvo Doma obavjesti Ured da nije ispoštovan član 171. stav (4) Poslovnika Predstavničkog doma PSBiH.

Mirsad Donlagić izrazio je zadovoljstvo odgovorom Federalnog ministarstva raseljenih osoba i izbjeglica na pitanje u vezi sa sanacijom šteta nastalih kao posljedica poplava u 2014. i 2015. godini.

Hanka Vajzović zatražila je urgenciju za dostavljanje odgovora u pisanoj formi na usmeno poslaničko pitanje s 36. sjednice, a u vezi s uvozom smeća u Neum iz Republike Hrvatske.

Senad Šepić izrazio je nezadovoljstvo odgovorom Vijeća ministara BiH na pitanje u vezi s donošenjem zakona o sprečavanju govora mržnje, jer po tom pitanju nije ništa urađeno. Pozvao se na Plan rada Vijeća ministara BiH za 2016. godinu u kojem je naznačeno da će se taj prijedlog zakona naći u parlamentarnoj proceduri do polovine tekuće godine, što nije učinjeno.

Šefik Džaferović izrazio je nezadovoljstvo odgovorom Vijeća ministara BiH u vezi sa učešćem policije Republike Srpske u zajedničkoj policijskoj vježbi s pripadnicima policije Republike Srbije 28.8. 2016. na teritoriji Republike Srbije u zoni graničnog prijelaza Šepak. Pozvao se na Zakon o graničnoj kontroli koji u tom slučaju nije ispoštovan, te tražio od Vijeća ministara BiH da detaljnije analizira ovo pitanje i dostavi informaciju.

Ad.3. Zahtjev Vijeća ministara BiH za razmatranje Prijedloga zakona o izmjeni Zakona o lijekovima i medicinskim sredstvima, po hitnom postupku, u skladu s članom 133. Poslovnika, zakon broj: 01,02-02-1-2804/16, od 1.11.2016.

Predsjedavajući je dao uvodne napomene i otvorio raspravu o proceduri. Diskutirali su: Lazar Prodanović, Predrag Kožul, Dušanka Majkić, Aleksandra Pandurević, Hanka Vajzović, Borislav Bojić i Nikola Špirić.

Predsjedavajući je dao na glasanje Zahtjev za hitni postupak. „Za“ je glasalo 13 poslanika (iz Federacije BiH), 17 je bilo „protiv“ i jedan „suzdržan“. Zahtjev za razmatranje Prijedloga zakona po hitnom postupku **nije** usvojen.

Zatim se, u skladu s članom 133. stav (4) Poslovnika Predstavničkog doma, prešlo na glasanje o tome da li će se Prijedlog zakona razmatrati po skraćenom postupku. Za“ je glasalo 16 poslanika (iz Federacije BiH 15, iz Republike Srpske jedan), 15 je bilo „protiv“ i šest „suzdržanih“. Predsjedavajući je konstatirao da nema potrebne entitetske većine. Kolegij kao komisija nije postigao saglasnost. U drugom krugu glasanja sa 17 glasova „za“, 15 „protiv“ (iz Federacije BiH četiri, iz Republike Srpske 11) i pet glasova „suzdržan“, Dom **nije** prihvatio da se Prijedlog zakona razmatra po skraćenom zakonodavnom postupku.

Prijedlog zakona o izmjeni Zakona o lijekovima i medicinskim sredstvima razmatrat će se u skladu s odredbama kojima se regulira redovni zakonodavni postupak.

Ad.4. Prijedlog zakona o izmjeni Zakona o plaćama i naknadama u institucijama Bosne i Hercegovine, predlagatelj: poslanik Damir Arnaut, zakon broj: 01-02-1-1950/16, od 18.7.2016. (drugo čitanje)

Predsjedavajući je dao uvodne napomene i otvorio raspravu. U raspravi su učestvovali: Damir Arnaut, Zaim Backović, Maja Gasal-Vražalica, Mirsad Đonlagić i Borjana Krišto.

Poslanica Maja Gasal – Vražalica zatražila je da se zapisnički konstatuje sljedeće: „Gospodine dopredsjedavajući, ja bih da se zapisnikom konstatuje da Vi ste koalicijski partneri i da Vi sasvim imate jedan drugačiji stav prema onome ko je iz Vaše koalicije a i prema onima koji nisu dio koalicije. Šta to znači? Za nekoga ko non stop opominje druge osobe ili zastupnike i zastupnice da krše Poslovnik to je gospodin Damir Arnaut, a sam ga krši pozivajući se na član 125., evo i sami ste rekli da prije tog 125. ima 124. koji govori o amandmanima. Kad su drugi ljudi bili u pitanju i kad su u drugom čitanju željeli da promoviraju, kao što gospodin Arnaut radi, ovo je predizborna kampanja SBB-a za 2018. koliko smo uštedjeli na nivou Bosne i Hercegovine, Vi to sve dozvoljavate. Dakle, neravnotežan status vas kao Kolegija prema nama dovodi do ove situacije da mi na ovoj tački stojimo 20 minuta zbog predizborne kampanje Vašeg koalicijskog partnera. Dakle, nije u redu.”³

Predsjedavajući je dao na glasanje Prijedlog zakona. „Za“ su glasala 23 poslanika (iz Federacije BiH 22, iz Republike Srpske jedan), 11 je bilo „protiv“ i pet „suzdržanih“. Prijedlog zakona nije dobio potrebnu entitetsku većinu. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, sa 23 glasa „za“, 12 „protiv“ (iz Republike Srpske) i četiri glasa „suzdržan“, Dom **nije usvojio u drugom čitanju** Prijedlog zakona o izmjeni Zakona o plaćama i naknadama u institucijama Bosne i Hercegovine.

³ Izvod iz neautoriziranog transkripta 37. sjednice Predstavničkog doma PSBiH

Ad.5. Prijedlog zakona o izmjeni i dopunama Zakona o Pravobranilaštvu Bosne i Hercegovine, predlažać: Vijeće ministara BiH, zakon broj: 01,02-02-1-2091/16, od 2.8.2016. (drugo čitanje)

Nakon uvodnih napomena, otvorena je rasprava. U raspravi su učestvovali: Nikola Špirić, Damir Arnaut i Zaim Backović.

Dom, s pet glasova „za“ (iz Federacije BiH), 31 „protiv“ i tri glasa „suzdržan“, **nije usvojio** u drugom čitanju Prijedlog zakona o izmjeni i dopunama Zakona o Pravobranilaštvu Bosne i Hercegovine.

Ad.6. Prijedlog zakona o izmjenama i dopunama Zakona o udruženjima i fondacijama Bosne i Hercegovine, predlažać: Vijeće ministara BiH, zakon broj: 01,02-02-1-2194/16, od 5.8.2016. (drugo čitanje)

Nakon uvodnih napomena, otvorena je rasprava. Nije bilo prijavljenih.

Dom je, s 28 glasova „za“ (iz Federacije BiH 21, iz Republike Srpske sedam), šest „protiv“ i pet glasova „suzdržan“, **usvojio** u drugom čitanju Prijedlog zakona o izmjenama i dopunama Zakona o udruženjima i fondacijama Bosne i Hercegovine

Time su usvojeni Amandmani koji glase:

Amandman I.

U članu 2., u novom stavu (5), riječi: „(u daljem tekstu: Ministarstvo)“ brišu se.

Amandman II.

Član 6. mijenja se i glasi:

„Član 6.

U članu 9. stav (1) mijenja se i glasi:

„(1) Udruženje mogu osnovati najmanje tri osnivača. Osnivači udruženja mogu biti fizička lica koja su državljani Bosne i Hercegovine i stranci koji u Bosni i Hercegovini imaju boravište ili pravna lica koja su u Bosni i Hercegovini registrirana. Udruženje mogu osnovati međusobno fizička i pravna lica, ali broj osnivača ne može biti manji od tri.“

Amandman III.

Član 8. mijenja se i glasi:

„Član 8.

U članu 12. u stavu (1) u tački h), iza riječi „pečata“, dodaju se riječi: „i znaka udruženja;“.

Amandman IV.

U članu 9. kojim se mijenja član 13. Zakona, u stavu (3) koji postaje stav (2), iza riječi „interesa“, dodaju se riječi: „koje donose institucije Bosne i Hercegovine“.

Dosadašnji stav (2) postaje stav (3).

Stav (4) mijenja se i glasi:

„(4) Aktivnostima od javnog interesa udruženja smatraju se posebno aktivnosti udruženja koje doprinose promociji: ljudskih prava, prava lica s invaliditetom, zaštite djece s teškoćama u razvoju, prava nacionalnih manjina, jednakosti i ravnopravnosti u borbi protiv diskriminacije, zaštite od nasilja, aktivnosti djece i mladih, borbe protiv različitih oblika ovisnosti, razvijanje volonterizma, humanitarnih aktivnosti, socijalne zaštite, zaštite okoliša, zaštite prirode, zaštite zdravlja ljudi, umjetnosti, obrazovanja, kulture i svih drugih aktivnosti koje se po svojoj prirodi mogu smatrati djelovanjem od javnog interesa.“

U st. (5) i (6) riječi: „iz stava (4) ovog člana“ zamjenjuju se riječima: “ od javnog interesa“.

Amandman V.

U članu 11., koji se odnosi na član 18. Zakona, riječi: „stav 1.“ brišu se.

U tački b), na kraju teksta, interpunkcijski znak tačka zamjenjuje se interpunkcijskim znakom tačka-zarez.

Amandman VI.

Član 12. mijenja se i glasi:

„Član 12.

Član 21. mijenja se i glasi:

„Član 21.

(1) Fondacija koja je upisana u Registar može provoditi programe i projekte od javnog interesa.

(2) Programima ili projektima od javnog interesa smatraju se zaokružene i tematski jasno određene aktivnosti čije provođenje kroz dugoročni ili vremenski ograničeni rok djelovanja daju prepoznatljivu dodatnu društvenu vrijednost kojom se podiže kvalitet života pojedinaca, odnosno unapređuje razvoj društvene zajednice. Aktivnostima od javnog interesa fondacija smatraju se posebno aktivnosti fondacije koje doprinose promociji: ljudskih prava, prava lica s invaliditetom, zaštite djece s teškoćama u razvoju, prava nacionalnih manjina, jednakosti i ravnopravnosti u borbi protiv diskriminacije, zaštite od nasilja, aktivnosti djece i mladih, borbe protiv različitih oblika ovisnosti, razvoja volonterizma, humanitarnih aktivnosti, socijalne zaštite, zaštite okoliša, zaštite prirode, zaštite zdravlja ljudi, umjetnosti, obrazovanja, kulture i svih drugih aktivnosti koje se po svojoj prirodi mogu smatrati djelovanjem od javnog interesa.

(3) Institucije Bosne i Hercegovine na osnovu provedenog javnog poziva, odnosno konkursa, zaključuju ugovore s fondacijama o provođenju programa ili projekata od javnog interesa.

(4) Fondacija koja je dobila sredstva za provođenje programa ili projekata iz stava (2) ovog člana podnosi izvještaj davaocu sredstava i informira javnost putem svoje veb-stranice. Fondacija koja je dobila sredstva za provođenje programa ili projekata iz stava (2) ovog člana u provođenju programa ili projekta može ostvariti poreske, carinske i druge olakšice u skladu s posebnim propisima.

(5) Vijeće ministara Bosne i Hercegovine će, na prijedlog Ministarstva, donijeti podzakonski akt kojim će urediti kriterije za izradu i provođenje programa i projekata od javnog interesa koje mogu provoditi fondacije.

(6) Registrirana fondacija može se spojiti ili podijeliti u drugu fondaciju. Spajanje je osnivanje nove fondacije na koju prelazi cjelokupna imovina fondacija koje se spajaju. Spajanjem, fondacija prestaje postojati, a na postupak spajanja fondacija primjenjuju se odredbe ovog zakona o osnivanju fondacija. Fondacija se može podijeliti na dvije ili više fondacija. Podijeljena fondacija prestaje postojati, a na postupak upisa novonastalih fondacija primjenjuju se odredbe ovog zakona o osnivanju fondacija.

(7) Fondacija može osnovati svoje urede, predstavništva i podružnice u skladu s odredbama statuta.“

Amandman VII.

U članu 25. riječi: „i 56b.“ brišu se, a u novom članu 56a., u stavu (2), iza riječi „kriterije“ dodaju se riječi: „i uslove“.

Amandman VIII.

U Prijedlogu zakona na bosanskom i hrvatskom jeziku, u članu 18. koji se odnosi na član 31. Zakona, u stavu (1) tačke: m), n), o), p), q), r), s), t), u), v), w) i x) postaju tačke: a), b), c), d), e), f), g), h), i), j), k) i l).

U Prijedlogu zakona na bosanskom i hrvatskom jeziku, u članu 19. koji se odnosi na član 33. Zakona, u stavu (1) tačke: m), n), o), p), q), r), s) i t) postaju tačke: a), b), c), d), e), f), g) i h).

U Prijedlogu zakona na srpskom jeziku, u članu 18. koji se odnosi na član 31. Zakona, u stavu (1) tačke: y), z), aa), bb), cc), dd), ee), ff), gg), hh), ii) i jj) postaju tačke: a), b), c), d), e), f), g), h), i), j), k) i l).

U Prijedlogu zakona na srpskom jeziku, u članu 19., koji se odnosi na član 33. Zakona, u stavu (1) tačke: y), z), aa), bb), cc), dd), ee) i ff) postaju tačke: a), b), c), d), e), f), g) i h).

U svim odredbama Prijedloga zakona, u kojima je stav normativno-tehnički označen kao redni broj, oznaka stava mijenja se brojem stava u zatvorenoj zagradi u skladu s Jedinstvenim pravilima za izradu propisa u institucijama BiH.

Ad.7. Prijedlog zakona o izmjenama i dopunama Zakona o upravi Bosne i Hercegovine, predlađač: Vijeće ministara BiH, zakon broj: 01,02-02-1-2275/16, od 26.8.2016. (drugo čitanje)

Nakon uvodnih napomena, otvorena je rasprava. Nije bilo prijavljenih.

Dom je, s 26 glasova „za“ (iz Federacije BiH 19, iz Republike Srpske sedam), jednim „protiv i 12 glasova „suzdržan“, **usvojio** u drugom čitanju Prijedlog zakona o izmjenama i dopunama Zakona o upravi Bosne i Hercegovine.

Ad.8. Prijedlog zakona o izmjenama i dopunama Zakona o međunarodnom i međuentitetskom drumskom prijevozu, predlađač: Vijeće ministara BiH, broj: 01,02-02-1-2509/16, od 28.9.2016. (prvo čitanje)

Predsjedavajući je dao uvodne napomene i otvorio raspravu. Diskutirao je Damir Bećirović.

Dom je, s 26 glasova „za“ (iz Federacije BiH 19, iz Republike Srpske sedam), pet „protiv i osam glasova „suzdržan“, **usvojio** u prvom čitanju Prijedlog zakona o izmjenama i dopunama Zakona o međunarodnom i međuentitetskom drumskom prijevozu.

Ad.9. Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, predlagач: Vijeće ministara BiH, zakon broj: 01,02-02-1-2617/16, od 11. 10. 2016. (prvo čitanje), skraćeni postupak

Predsjedavajući je dao uvodne napomene i otvorio raspravu. U raspravi su učestvovali: Nikola Špirić, Aleksandra Pandurević i Damir Arnaut.

Predsjedavajući je dao na glasanje Prijedlog zakona. „Za“ je glasao 21 poslanik (iz Federacije BiH 20, iz Republike Srpske jedan), devet je bilo „protiv“ i devet „suzdržanih“. Prijedlog zakona nije dobio potrebnu entitetsku većinu. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 23 glasa „za“, devet „protiv“ (iz Federacije BiH tri, iz Republike Srpske šest) i sedam glasova „suzdržan“, Dom je **usvojio u prvom čitanju** Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine.

Ad.10. Godišnji izvještaj Visokog sudskog i tužilačkog vijeća Bosne i Hercegovine za 2015., podnosilac: Visoko sudsko i tužilačko vijeće BiH, broj: 01,02-08-2601/16, od 7.10.2016.

Nakon uvodnih napomena predsjedavajućeg, Dom je s 30 glasova „za“ (iz Federacije BiH 19, iz Republike Srpske 11), jednim „protiv“ i osam glasova „suzdržan“, zbog neprisustva podnosioca **odgodio raspravu** o Godišnjem izvještaju Visokog sudskog i tužilačkog vijeća Bosne i Hercegovine za 2015.

Ad.11. Izvještaj o izvršenoj reviziji učinka o temi: „Praćenje realizacije preporuka revizije učinka“, podnosilac: Ured za reviziju institucija BiH, materijal broj: 01,01/4-16-1-2008/16, od 25.7.2016.

Nakon uvodnih napomena, predsjedavajući je otvorio raspravu u kojoj su učestvovali: Dušanka Majkić, Zaim Backović, Nikola Špirić, Nikola Lovrinović i Borislav Bojić.

U raspravi je Nikola Lovrinović predložio usvajanje zaključka.

Nakon rasprave predsjedavajući je Izvještaj dao na glasanje. Dom je, s 33 glasa „za“ (iz Federacije BiH 22, iz Republike Srpske 11), bez glasova „protiv“ i šest glasova „suzdržan“, **usvojio** Izvještaj o izvršenoj reviziji učinka o temi: „Praćenje realizacije preporuka revizije učinka“.

Prešlo se na glasanje o prijedlogu zaključka Nikole Lovrinovića. Dom je, s 28 glasova „za“ (iz Federacije BiH 22, iz Republike Srpske šest), tri „protiv“ i 10 glasova „suzdržan“, **usvojio** zaključak, a on glasi:

„Zaključke Ureda za reviziju institucija BiH na str. 19., 31., 46. i 59. treba provesti do narednog izvještaja, a u suprotnom pokrenuti pitanje odgovornosti nosilaca ovlaštenih funkcija.“

Ad.12. Informacija o direktnim stranim investicijama u Bosni i Hercegovini u 2015. i Izvještaj o aktivnostima Agencije za unapređenje stranih investicija na promociji direktnih stranih investicija u Bosni i Hercegovini u 2015., materijal Vijeća ministara BiH, broj: 01-50-1-15-24/16, od 16.9.2016. (realizacija poslaničke inicijative usvojene na 24. sjednici Predstavničkog doma Parlamentarne skupštine BiH, održanoj 3.2.2016.)

Predsjedavajući je dao uvodne napomene i otvorio raspravu. U raspravi su učestvovali: Šemsudin Mehmedović, Nikola Špirić, Zaim Backović, Fehim Škaljić, Predrag Kožul, Safer Demirović, Mirsad Isaković, Maja Gasal - Vražalica, Hazim Rančić, Nermina Kapetanović, Damir Bećirović i Nikola Lovrinović.

Domu se obratio direktor Agencije za unapređenje stranih investicija Gordan Milinić.

Predsjedavajući je dao na glasanje Informaciju. Dom je, s 20 glasova „za“ (iz Federacije BiH 13, iz Republike Srpske sedam), 12 „protiv“ i sedam glasova „suzdržan“, **primio k znanju** Informaciju o direktnim stranim investicijama u Bosni i Hercegovini u 2015. i Izvještaj o aktivnostima Agencije za unapređenje stranih investicija na promociji direktnih stranih investicija u Bosni i Hercegovini u 2015.

Ad.13. Materijal Direkcije za evropske integracije BiH:

- a) **Informacija o napretku u procesu ispunjavanja uslova Bosne i Hercegovine na evropskom putu,**
- b) **Izvještaj o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015., DIO A. – Obaveze institucija Bosne i Hercegovine,**
- c) **Izvještaj o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015., DIO B. – Obaveze institucija entiteta, Brčko Distrikta BiH i kantona,**
- d) **Izvještaj o napretku u provođenju Akcionog plana za realizaciju Reformske agende za nivo Vijeća ministara BiH, broj: 01-50-1-853-1/15, od 21.9.2016. (realizacija poslaničkih inicijativa usvojenih na 16. sjednici Predstavničkog doma Parlamentarne skupštine BiH, održanoj 27.8.2015., i na 19. sjednici Predstavničkog doma Parlamentarne skupštine BiH, održanoj 28. 10. 2015.)**

Predsjedavajući je dao uvodne napomene i otvorio raspravu. U raspravi su učestvovali: Nikola Lovrinović, Milica Marković, Mirsad Đonlagić, Fehim Škaljić, Senad Šepić i Dušanka Majkić.

U raspravi je Senad Šepić predložio zaključak.

Dom je, s 27 glasova „za“ (iz Federacije BiH 20, iz Republike Srpske sedam), dva „protiv“ i 10 glasova „suzdržan“, **primio k znanju** Materijal Direkcije za evropske integracije BiH.

Zatim je predsjedavajući dao na glasanje prijedloge zaključaka iz Mišljenja Zajedničke komisije za evropske integracije i poslanika Senada Šepića.

Zaključci Zajedničke komisije za evropske integracije **usvojeni su** sa 29 glasova „za“ (iz Federacije BiH 22, iz Republike Srpske sedam), jednim „protiv“ i devet glasova „suzdržan“, a oni glase:

1. *Predstavnički dom i Dom naroda Parlamentarne skupštine BiH traže od Vijeća ministara BiH i Direkcije za evropske integracije da se prilikom izrade budućih informacija i izvještaja napravi prikaz neizvršenih aktivnosti, s akcentom na razloge neizvršavanja, a u vezi sa sljedećim dokumentima:*
 - a) *Informacijom o napretku u procesu ispunjavanja uslova Bosne i Hercegovine na evropskom putu;*
 - b) *Izvještajem o realizaciji mjera iz Akcionog plana za realizaciju prioriteta iz Izvještaja o Bosni i Hercegovini;*
 - c) *Izvještajem o realizaciji Akcionog plana za realizaciju Reformske agende na nivou Vijeća ministara BiH.*
2. *Predstavnički dom i Dom naroda Parlamentarne skupštine BiH traže od Vijeća ministara BiH da urgira prema nadležnim institucijama u BiH da se što hitnije realiziraju obaveze navedene u Izvještaju o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015. godinu, s obzirom na to da većina obaveza nije realizirana ili je u toku realizacija, a za mnoge aktivnosti je prošao rok.*
3. *Predstavnički dom i Dom naroda Parlamentarne skupštine BiH traže od Vijeća ministara BiH i Direkcije za evropske integracije da sljedeće izvještavanje o napretku u provođenju Akcionog plana za realizaciju Reformske agende na nivou Vijeća ministara BiH obavezno metodološki unaprijede omogućavanjem preglednijeg praćenja realizacije Reformske agende.*
4. *Predstavnički dom i Dom naroda Parlamentarne skupštine BiH traže od Vijeća ministara BiH da što hitnije, a najkasnije do kraja godine, dostavi informaciju o razlozima za neprovođenje pojedinih tačaka Akcionog plana za realizaciju Reformske agende na nivou Vijeća ministara BiH.*

Prijedlog zaključka poslanika Senada Šepića **nije usvojen**. Za“ je glasalo 17 poslanika (iz Federacije BiH 14, iz Republike Srpske tri), 13 je bilo „protiv“ i devet „suzdržanih“. Prijedlog zaključka nije dobio potrebnu entitetsku većinu. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 11 glasova „za“, 14 „protiv“ (iz Federacije BiH četiri, iz Republike Srpske 10) i 14 glasova „suzdržan“, Dom nije usvojio prijedlog zaključka, koji glasi:

„Predstavnički dom PSBiH zadužuje Kolegij Doma da u pripremi Plana rada Doma u 2017. godini na početku godine organizira posebnu sjednicu ili tačku dnevnog reda posvećenu Planu rada PSBiH u 2017.godini o temi: „Uloga PSBiH u ispunjavanju uslova BiH na evropskom putu.“

Ad.14. Informacija o stanju javne zaduženosti Bosne i Hercegovine na dan 30.6.2016., materijal Vijeća ministara BiH, broj: 01,02-16-1-2639/16, od 14.10.2016.

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 26 glasova „za“ (iz Federacije BiH 19, iz Republike Srpske sedam), tri „protiv“ i 10 glasova „suzdržan“, **primio k znanju** Informaciju o stanju javne zaduženosti Bosne i Hercegovine na dan 30.6.2016.

Ad.15. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o dopunama Zakona o parničnom postupku pred Sudom BiH (predlagač: Vijeće ministara BiH, zakon broj: 01,02-02-1-609/16, od 18.3.2016.)

Predsjedavajući je dao uvodne napomene i otvorio raspravu. Nije bilo prijavljenih.

Predstavnički dom je, s 22 glasa „za“ (iz Federacije BiH 16, iz Republike Srpske šest), sedam „protiv“ i 10 glasova „suzdržan“, **imenovao** Nikolu Lovrinovića, Damira Arnauta i Đorđu Krčmara u Zajedničku komisiju oba doma za postizanje identičnog teksta Zakona o dopunama Zakona o parničnom postupku pred Sudom BiH.

Prije prelaska na sljedeću tačku dnevnog reda, predsjedavajući je dao na glasanje prijedlog da se objedini rasprava o tačkama 16. - 24., jer je riječ o davanju saglasnosti za ratifikaciju amandmana i sporazuma.

Dom je, s 31 glasom „za“ (iz Federacije BiH 18, iz Republike Srpske 13), pet glasova „protiv“ i tri glasa „suzdržan“, **usvojio** ovaj prijedlog.

Ad.16.-24.

Predsjedavajući je dao uvodne napomene i otvorio raspravu. Diskutirao je Safer Demirović.

Dom je, s 33 glasa „za“ (iz Federacije BiH 20, iz Republike Srpske 13), jednim glasom „protiv“ i pet glasova „suzdržan“, **dao saglasnost** za ratifikaciju:

- Sporazuma o finansiranju Programa razvoja konkurentnosti u ruralnim područjima (RCDP) između Bosne i Hercegovine i Međunarodnog fonda za poljoprivredni razvoj, broj: 01,02-05-2-2243/16, od 18.8.2016.;
- Prvog amandmana na Sporazum o finansiranju (Projekat registracije nekretnina) između Bosne i Hercegovine i Međunarodne asocijacije za razvoj, broj: 01,02-05-2-2462/16, od 21.9.2016.;
- Sporazuma o finansiranju državnog programa aktivnosti za Bosnu i Hercegovinu za 2015. godinu između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara BiH, broj:01,02-05-2-2640/16, od 14.10.2016.;
- Prvog amandmana na Sporazum o finansiranju (Projekat hitnog oporavka od poplava) između Bosne i Hercegovine i Međunarodne asocijacije za razvoj, broj:01,02-05-2-2641/16, od 14.10.2016.;

- Sporazuma između Republike Srbije i Bosne i Hercegovine za IPA II Program prekogranične saradnje Srbija – Bosna i Hercegovina 2014. – 2020., broj:01,02-05-2-2642/16, od 14.10.2016.;
- Sporazuma o finansiranju programa aktivnosti prekogranične saradnje Bosna i Hercegovina – Srbija za 2015. godinu, između Bosne i Hercegovine, Evropske komisije i Vlade Republike Srbije, broj: 01,02-05-2-2643/16, od 14.10.2016.;
- Sporazuma o zajmu za projekat „Razvoj infrastrukture u Goraždu“ između Saudijskog fonda za razvoj i Bosne i Hercegovine, broj: 01,02-05-2-2658/16, od 17.10.2016.;
- Sporazuma između Vijeća ministara BiH i Vlade Kraljevine Maroko o uzajamnom ukidanju viza za nosioce diplomatskih, službenih i posebnih pasoša, broj: 01,02-05-2-2683/16., od 19.10.2016.;
- Sporazuma o trgovinskoj i ekonomskoj saradnji između Vijeća ministara Bosne i Hercegovine i Vlade Kraljevine Maroko, broj: 01,02-05-2-2732/16, od 26.10.2016.

Sjednica je završena u 18,40 sati.

Sastavni dio Zapisnika je transkript 37. sjednice Predstavničkog doma.

SEKRETAR
PREDSTAVNIČKOG DOMA
Marin Vukoja

PREDSJEDAVAJUĆI
PREDSTAVNIČKOG DOMA
Mladen Bosić